



मंजूरी देई दिती ही ते लोकसभा ने इस बिल गी बुधवारें पारित कीता हा। इस बिल दे तैहत लौहके अपराधें गी अपराध दी श्रेणी थमां बाहर कीता जाहग ते जर्मनें ते सजा गी अपराध दे अनुपात च संशोधित करने जनेह उपास लागू कीते जाडन।

<><><><><><>

### CM-Fuel (Byte)

मुख्यमंत्री उमर अब्दुल्ला होरें गलाया ऐ जे जम्मू-कश्मीर च फिलहाल ईंधन सनें लोडचदी चीजें-बस्तें दी कोई कमी नई ऐ ते अगले 10 शा 15 दिनें लेई स्टॉक पर्याप्त मात्रा च उपलब्ध ऐ-जंदी संग्रा विधानसभा दे बाहर मीडिया कर्मियें कन्ने गल्ल करदे होई उनें आखेआ.....(बाईट)

<><><><><><>

### SIA

जम्मू-कश्मीर राज्य जांच एजेंसी SIA नै रजौरी जिले दे थन्नामंडी इलाके च आतंकवाद कन्ने सरबंधत इक मामले च इक दोशी खिलाफ आरोप-पत्र दायर कीता ऐ। अधिकारिक विज्ञप्ति मुजब SIA नै नामित अदालत च सबर हुसैन दे खिलाफ लश्कर-ए-तैयबा ते TRF कन्ने सरबंधत आतंकवादियें गी पनाह देने दे आरोप च आरोप-पत्र दायर कीता ऐ। एह आतंकवादी 22 अप्रैल 2024 गी कुंडा शहदरा शरीफ च मोहम्मद रजाक दी हत्या ते मृतक दे भा ते इक TA जोआन गी घायल करने दे आरोप च शामिल हे। जांच दौरान पता चलेआ जे आरोपी नै जून दी अखीर शा जुलाई 2024 दी शुरुआत तगर चामेरर च अपनी मौसमी झौंड़ी च लश्कर-ए-तैयबा- TRF दे

3 आतंकवादिये गी ँनाह ते होर दुई मदाद प्रदान कीती- जेहदे राएं आतंकी हमले गी अंजाम देई सकै।

<><><><><><>

## **Train**

उत्तरी रेलवे दे जम्मू डिवजन नै नमीं दिल्ली च श्री माता वैष्णो देवी कटरा रेलवे स्टेशन बश्कार चलने आहली विशेश ट्रेनें दी 40 बाद्दूव यात्राएं दी घोषणा कीती ऐ। जम्मू दे सीनियर डीविजनल कमर्शियल मैनेजर उचित सिंघल होरें गलाया जे ट्रेनें दी ँछली यात्राएं च 100 प्रतिशत सीटें दी उलब्धता गी दिक्खदे होई 15 शा 16 अप्रैल तगर लेई एह फैसला कीता गेआ। उनें दस्सेआ जे ट्रेन नम्बर 04081 नमीं दिल्ली शा रातीं 11 बजियै 45 मिनटें उप्पर चलोग ते अगले दिन दौहरी 12 बजे श्री माता वैष्णो देवी कटरा ँजोग। इयां गै ट्रेन नम्बर 04082 श्री माता वैष्णो देवी कटरा थमां रातीं 9 बजे चलोग ते अगले दिन बड्डलै 9 बजे दिल्ली ँज्जोग।

<><><><><><>

## **Mission Yuva**

उधमपुर जिला प्रशासन नै कल मिशन युवा तैहत माली मदाद लेई 251 मामलें गी मंजूरी दिती ऐ साहडे उधमपुर दे संवाददाता अचिन दूबे होरें दस्सेआ जे मिशन युवा तैहत जिला स्तरीय अमलावरी कमेटी दी मिंगा शेरणा हुंदी अध्यक्षता च लग्गी दी इक बैठक च इनें मामलें दा

नि०टारा कीता गेआ। डिप्टी कमीशनर होरें सरबंधत विभागें बशकार तालमेल बनाइयै एहदी अमलावरी गी यकीनी बनाने उप्पर जोर ँया ।

<><><><><><>

ते हुंन बाकि दिएं खबरें कन्ने शगुफता चौधरी:-

<><><><><><>

### **Grievance Disposal Rate**

जम्मू-कश्मीर च जन शकैतें दे नि०टारे च बड़ा मता बाददा होआ ऐ ते JK- समाधान ँर्टल उप्पर नि०टान दी कुल दर 88 फीसदी ऐ। एह जानकारी कल मुख्ख सचिव अटल डुल्लु हुंदी अध्यक्षता च होई दी इक उच्च स्तरीय समीक्षा बैठक च सांझी कीती गेई। एह जानकारी दिती गेई जे JK समाधान मंच उप्पर कुल मलाइयै इक लक्ख 20 जहार 554 शकैतां हासल होइयां- जिंदे शा इक लक्ख 5 जहार 836 दा नि०टारा होई चुके दा ऐ- जदके 14 जहार 718 शकैतें दे निवारण दा कम्म जारी ऐ। इक्कलै जम्मू-कश्मीर समाधान प्रणाली दे माध्यम राएं इक लक्ख 6 जहार शकैतां हासल होइयां- जिंदा नि०टारा 90 फीसद मुकम्मल होई चुके दा ऐ। जदके C.P. GRAMS राएं हासल शकैतां 75 फीसद गै हल कीतियां गेइयां न। जम्मू-कश्मीर समाधान ँर्टल ने केन्द्र शासत प्रदेश च 71 फीसदी घरें तगर ँज्जत बनाई लेई ऐ।

<><><><><><>

**Niti Aayog Rajouri**

नीति आयोग दे उ०-सलाहकार डाक्टर मुनी राजू S.B होरें कल रजौरी च इक व्या०क समीक्षा बैठक दी अध्यक्षता कीती ते आकांक्षी ब्लाक खवास च सम्पूर्णता अभियान दे दुए गेड़ तैहत हासल प्रगति दा जायजा लैता। राजौरी दे उ०युक्त अभिषेक शर्मा होरें इक विस्तृत Power Point Presentation पेश कीती ते उत्थे मौजूद अफसरें गी सरबंधत जानकारी दिती ते खवास च चुनौतियें शा निबड़ने लेई जिला प्रशासन आसेयी कीती गेदी पैहलकदमियें बारे जानकारी हासल कीती। इन्दे च बधाल च Tele-Medicine सुविधा दी शुरुआत- सेहत संभाल सरबंधी मोबाईल युनिट दी तैनाती- स्कूलें च CCTV कैमरे लाना ते मुफ्त कोचिंग सुविधा शामिल हे। आकांक्षी ब्लाक च सेवा वितरण च सुधार लेई आ०नाए गेदे उन्दे सशक्त नजरिये दी सराहना कीती ते सरबंधत विभागें गी क्षेत्र च शैक्षिक बुनियादी ढांचे गी बधाने लेई खवास लेई इक एकलव्य स्कूल मॉडल दी स्था०ना ते प्रस्ताव देने दे निर्देश जारी कीते।



### **Ramban Camp**

रामबन सेहत मैहकमे ने ग्रामीण इलाकें च अक्खीं सरबंधी सेहत जागरुकता गी बढ़ावा देने दे मकसद कन्नै जिला अस्पताल रामबन च इक अक्खीं दी जांच सरबंधी स्क्रीनिंग ते मोतियां बिंदू सर्जरी शिविर दा आयोजन कीता। रामबन थमां आकाशवाणी संवाददाता अजयदी० सिंह दी रिपोर्ट दे मताबक शिविर दौरान बड़ी बद्ध गिनतरी च मरीजें दी अक्खीं सरबंधी रोशें दी जांच कीती गेई ते कोई 23 मरीजें दी मोतियाबिंदू सर्जरी सफलता कन्नै कीती गेई। आकाशवाणी खबरें कन्नै गल्ल करदे ही जिला अस्पताल रामबन दे मैडिकल सुप्रीटेंडेंट डाक्टर सुदर्शन सिंह कटोश होरें गलाया.....(बाईट)



## Good Friday

देशे दे बक्ख-बक्ख हिस्सें आहला लेखा जम्मू खिते च बी अज्ज “गुड फ्राइडे” दा त्योहार मनाया जा’रदा ऐ। इसाई समुदाय दे लोक चर्चे च इस रोज विशेष पूजा-अर्चना करदे न। एह दिन ईसा-मसीह दे क्रूस पर चढ़ने ते कलवारी च उन्दे बलिदान दे चेतें च मनाया जंदा ऐ। “गुड फ्राइडे” दे मौके पर प्रधानमंत्री नरेन्द्र मोदी होरें आखेआ ऐ जे एह दिन ईसा मसीह दे बलिदान दा चेता करांदा ऐ। सोशल मीडिया पर इक पोस्ट च प्रधानमंत्री होरें कामना कीती ऐ जे एह दिन सदभाव- करुणा ते माफ करने जनेह मुल्लें गी होर निगगर करै। उ’नें इब्बी प्रार्थना कीती ऐ जे आपसी भाईचारा ते आशा सभनें दा मार्गदर्शन करै।



## Weather

जम्मू दे आग्गे-लाग्गे दे इलाकें च अज्ज बड्डलै थमां गै भारी बरखा होआ रदी ऐ। मौसम मैहकमे ने अज्जै थमां अगले किश दिनें तोड़ी जम्मू-कश्मीर च बरखा बरदे रौहने दी पेशनगोई कीती ऐ। मौसम विभाग नै सोशल मीडिया पर जारी इक पोस्ट च 3 ते 4 अप्रैल गी किश थाहरें पर गरज-चमक दे कन्नै तेज ब्हाऊ ते ऐन गड़ा पौने दी मेद जाहिर कीती ते किश संवेदनशील थाहरें पर स्त्रियां पौने ते पानी किट्ठा होने दी शेंका जताई ऐ। मौसम विभाग ने करसानें गी राई-बाई कन्नै जुड़े दे कम्ममें गी रौकी रक्खने दी सलाह दिती ऐ ते यात्रियें गी बी मौसम दी स्थिति गी ध्यान च रखदे होई आपनी यात्रा दी योजना बनाने आस्तै आखेआ ऐ।



## IPL

इंडियन प्रीमियर लीग IPL क्रिकेट च सनराइजर्स हैदराबाद नै कल रातीं कोलकाता नाइट राइडर्स गी इंडन गार्डन च 65 रन्जे कन्नै हराई दिता। 227 रन्जे दे लक्ष्य दा षिच्छा करदे होई कोलकाता नाइट राइडर्स 16 ओवरें च 161 रन्जे ँर ऑल आउट होई।

अज्ज चेन्नेई सुपर किंग्स दा मकाबला ँजाब किंग्स कन्नै एम.ए. चिंदमबरम स्टेडियम चेन्नेई च शामी 7.30 बजे होग।

